

2 Peed

Ta jawén Jesus hã h'yy ka'eeh do hã Peed ma erih do hahÿÿh

¹ Simaw Peed, Jesus Kristo karom, ta mejũũ do see ÿ ti hÿÿh. Ý edëng bëeh, ãã nemuun Jesus Kristo hyb n'aa P'op Hagä Do hã h'yy ka'eeh doo. Baad had'op ti Jesus Kristo P'op Hagä Do ër h'yy kaha'eeh doo, ër h'yyb tym dëeb. Baad had'op tabahadoo do hyb n'aa ër hã tabanoo P'op Hagä Do hã ër h'yy ka'eeh hyb n'aa. Tak'ëp baad ub ta ti ër h'yy ka'eeh do ër hã tanoo doo.

² P'op Hagä Doo, Jesus ër Wahë N'aa na-ããj hë bë bahapäh do hyb n'aa bë h'yyb gó, ÿ karën tak'ëp P'op Hagä Do ky ennyim bë wë, ÿ karën baad had'yyt hë bë tah'yyb en'yyim.

Tak'ëp ji hyb n'aa tam'aah baad had'yyt hë ji bawät hyb n'aa ky n'aa hahÿÿh

³ Ta hejój me P'op Hagä Do an'oo däk ër hã sahõnh hë baad hadoo doo, ji bahajaa hyb n'aa papuuj gó, takarën doo da ji bawät hyb n'aa. Ta ti tawén n'oo däk ër hã, Kristo, ër tanaëëj wät do ër hapëë däg kån do hyb n'aa ër h'yyb gó. Ta kabaj'aa doo me, tak'ëp taky ennyim doo me ër tanaëëj wät ta karapee ër bahadoo hyb n'aa.

⁴ Ta kabaj'aa do hyb n'aa, tak'ëp taky ennyim do hyb n'aa na-ããj hë, tak'ëp baad hadoo doo, tak'ëp ji kamahän do taky däng paa ër hã. Ta ti ër hã taky däng do an'oo bä, baad P'op Hagä Do bawät doo da ër babok hyb n'aa. Ër hã taky däng do tan'oo bä

na-ããj hē ēr bedēp hyb n'aa, Jesus hã h'yy kana'eeh do sa h'yyb karejãã do mahãnh. Nesaa do ji h'yyb sãg karēn do jawén rababok do hyb n'aa sa h'yyb karejãã tii.

⁵ Ta ti hyb n'aa né hē, taw'ããts hē tak'ēp bē hyb n'aa tam'aah takah'ũũm hyb n'aa bē h'yy ka'eeh doo. Taw'ããts hē baad had'yyt hē bē babok. Taw'ããts hē bē hyb n'aa tam'aah bē h'yy ganäng hyb n'aa P'op Hagä Do karēn do hã.

⁶ Taw'ããts hē bē h'yyb bē mesoo, bē h'yyb karēn do jawén bē nabok hyb n'aa. Taw'ããts hē h'yy ganajäng doo me bē baboo had'yyt hē. Taw'ããts hē P'op Hagä Do karēn doo da bē babok.

⁷ Taw'ããts hē bē kamahãn bē wakããn he-doo doo, bē nemuun Jesus hã h'yy ka'eeh doo. Taw'ããts hē bē kamahãn sahõnh hē ta wób.

⁸ Sahõnh hē ta ti takahũũm bã had'yyt hē bē h'yyb gó, dooh daap hē tado da tii bã Jesus Kristo, ēr Wahë N'aa bē hapäh doo. Baad hadoo ta hanaa tii.

⁹ Tii d' nado ÿ etsén wät doo da nabok do hã. Baad rabanahapäh do hadoo tii. Ty temah do hadoo.* Ramabaan nesaa do sa hã hanäng do paa kawug hõm doo.

¹⁰ Ti hyb n'aa, wakãn haa hedoo doo, taw'ããts hē ta bahãnh bē hyb n'aa tam'aah, P'op Hagä Do naëëj wät do wób né bëëh, bē metëëh hyb n'aa, P'op Hagä Do asëew hõm do wób né bëëh, bē metëëh hyb n'aa. Sahõnh hē ta ti bë hã ÿ ets'ëë wät do bë moo boo bã, dooh né da bē h'yy keréd hõm bã P'op Hagä Do hã.

¹¹ Tii bã, baad bē P'op Hagä Do gadoo da Jesus

* **1:9** Dooh rah'yy gah'ood bã P'op Hagä Do karēn do hã, tahanäng pé tii.

Kristo, ər Wahë N'aa, ər h'yyb tym dëeb tabagãã had'yyt doo bã.

Te hub né hë Jesus mejũũ do rama metëek do ky n'aa hahỹỹh

¹² Bë hapëë däg né paawä bë ÿ ma erii wät do ky n'aa, baad bë gado däg né paawä bë h'yyb gó baad hadoo do ky n'aa bë rama met'ëeg wät doo, ÿ karën bë hyb n'aa es'ee had'yyt hë ta tii. Doo h' ÿ h'yy gajëë hõm bã bë ÿ maher'oot doo, bë manabaan hyb n'aa.

¹³ Hã ÿỹ, taw'ããts hë tii da bë ÿ maher'ood had'yyt hë badäk hahỹỹ bã ÿ bawät nä bã,

¹⁴ edaa däk ÿ bahapäh do hyb n'aa badäk hahỹỹ bã ÿ bawät do gawatsik. Ɛr Wahë N'aa, Jesus Kristo metä wät ta ti hã ÿỹ.

¹⁵ Edaa däk ÿ dajëp doo. Ti hyb n'aa ÿ karën sahõnh hë ÿ moo wät ÿ hajaa doo, badäk hahỹỹ bã ÿ bawät nä bã, ÿ dajëp jawén paa bã na-ããj hë bë hyb n'aa es'ee had'yyt hë hyb n'aa ta ti bë ÿ maher'ood wät doo.

¹⁶ Ɛr Wahë N'aa Jesus Kristo hejój ky n'aa bë ãã maher'oot noo gó, p'aa hënh da tamatëeh bë ãã maher'oot bã, dooh sa panyyg ub h'yy ganyy gó sa daaj hë rahyb n'aa newëë do ãã ky s'ũüd bã. ãã daaj hë né hë ãã matym me ãã bahapäh tak'ëp ta kabaj'aa doo,

¹⁷⁻¹⁸ waëë P'op Hagä Do wë kasëew hõm do jó. Ta tii bã P'op Hagä Doo, ta Yb, weh'ëeh ta hã, ta bag tak'ëp gabarëeh doo gó tabawät tabanoo na-ããj hë. Hahỹỹ da P'op Hagä Do kyyh ta hã: “Hahỹ tah ÿỹ, tak'ëp ÿ kamahän up doo. Baad ÿ h'yy gadajang ta

wè”,† näng mäh. ãã daaj hē ãã maa napäh ta kyyh, Jesus sii ta tii bä ãã bab'ëeh bä.

¹⁹ Ta ti ãã bahapäh, ta ti ãã maa napäh do hyb n'aa na-ããj hē, ta bahãnh baad ãã bahapäh te hub né hē Kristo matëeh do ky n'aa hã P'op Hagä Do ky n'aa rod rerih do paah. Ti hyb n'aa ÿ karën paawä baad bë hyb n'aa matakä Kristo ky n'aa rerih do paa hã. Ta bag atsëm ta tyw n'aa ji hã tametëeh do hadoo rerih do paah. P'op Hagä Do ky n'aa rod rerih do hã bë hyb n'aa matakä bä bë da hapäh ny hadoo do ji ky daheeh, ny hadoo do noo kanesa doo. Taw'ããts hē rerih do bë ky dahé had'yyt hē Kristo matëeh bä kä. Tii bä kä, baad Kristo bë da tah'yy gan'yyh P'op Hagä Do hã. Watom tapaj'ëë bä hana do hadoo bë hã Kristo.

²⁰ Hahÿ ti baad ÿ karën bë hyb n'aa newëë: Dooh sa hanaa tado bä P'op Hagä Do kyy kerih doo gó ta ky n'aa rod rerii bong do paah.

²¹ Dooh sa hanaa tado bä ta jawén hawät do ky n'aa raher'oot do paah. P'op Hagä Do Sahee h'yyb mahũüm paa tii, P'op Hagä Do kyyh ramaher'oot hyb n'aa.

2

Ma matëg oow ky n'aa hahÿÿh

¹ Isaraéw buuj mahang P'op Hagä Do ky n'aa rod oow, noo kanesa doo, rababong do paa hadoo, bë mahang na-ããj hē ti anäng da ma matëg oow. Ky kamep'ëeh doo me rama metëek da te hub nadoo doo. Kristo, sa kariw n'aa, sa danäh, tadajëp doo me tedëeb wät do sa hã, ramakyyys da. Jé sa kyyh

† **1:17-18** Matew 17.5, Maah-Ko 9.7, Rukas 9.35

maa newëe do reréd hõm da Jesus hã rah'yy ka'eeh do paah. Ti hedoo do ma matëg oow nayyw hë sa daaj hë sa ky n'aa katakyyk baad nadoo do hã. Gawatsig hõm da.

² Hajõk da ky s'ũüt ma matëg oow. Nu meby n'aa nãng do ma matëg oow ramoo bok do ramoo bok da na-ããj hë. Sa hyb n'aa Jesus hã h'yy kana'eeh do baad nadoo doo me rahe'oot da ta tyw n'aa heh'äät doo.

³ Tak'ëp ta sãm hã rah'yy kajäk do hyb n'aa, sa panyyg sa daaj hë rahyb n'aa newëe doo me ma matëg oow bë da rawedii, bë wë hanãng do bë anoo hyb n'aa sa hã. P'ooj dæg P'op Hagä Do h'yyb dëe däk nesaa do hã taky n'aa etyy ta tii. P'op Hagä Do rejãã né da tii. Dooh da rakedëeb bä.

⁴ Dooh P'op Hagä Do t'yyd mehĩn bã ããs wób p'ooj ub nesaa do moo bok doo. Tabanesaa hënh tawëwäts bëeh tii, t'öp gadagyp doo gó. Ta tii bã ragada P'op Hagä Do ky n'aa etyy noo gó sa hã.

⁵ Dooh na-ããj hë P'op Hagä Do t'yyd mehĩn bã ta hã waneh'ëeh do p'ooj ub habok doo, hag'yyp do tamejũũ noo gó sa wë. Jããm hë Nowéh tabed'ëep naëng hag'yyp do mahãnh, setsi ta sii habok do sii hë. Nowéh tii, ta wób tamaher'ood had'yyt hë P'op Hagä Do karën doo da rababok hyb n'aa paawä.

⁶ P'op Hagä Do ky n'aa etyy paa panang Sodoma, Gomoha häd enäh do ta babuj n'aa sii hë tëeg hõõ me, sahõnh hë tagawatsig hõm hyb n'aa. Jããm hë ta ooj mad'aak paah, tak'ëp hadoo do tamo haj'aa haj'aa. Sa hã tabad'oo do hã tametëeh nyy da tamoo wät da P'op Hagä Do waneh'ëeh do sa hã.

⁷ Jããm hë panang buuj mahang tabed'ëep Róh, baad ub, P'op Hagä Do karën doo da hawät doo.

Tak'ëp Róh h'yy katón paa tak'ëp baad nadoo do nanäng P'op Hagä Do ky n'aa jaw'yyc do ky nadah'eeh do ramoo bong do hyb n'aa sa hä hanäng doo me.

⁸ Sa mahang Róh bawät paah. Ta äh hä had'yyt hë Róh, P'op Hagä Do karën doo da hawät do ahoop paa ta h'yyb gó, tahapäh do hyb n'aa, tamaa napäh do hyb n'aa na-ääj hë nesaa do panang buuj ramoo bok doo.

⁹ Hÿy kä, ta tii da P'op Hagä Do t'yyd manehiïn do hyb n'aa paa nesaa do moo heb'ooh doo, tii da tabed'ëep do hyb n'aa paa baad habok doo, ji hapäh hahÿÿh: P'op Hagä Do hajaa né hë takarën doo da habok do tabed'ëep hejooñh do sa hä kametyy do mahänh. P'op Hagä Do hajaa na-ääj hë tarejä had'yyt hë nesaa do moo heb'ooh doo, sahõnh hë taky n'aa etyy noo gó kajaa bä kä.*

¹⁰ Tarejäã do mahang tak'ëp sa bahänh tarejäã da nesaa do sa h'yyb säg karën do jawén habok do hyb n'aa nu meby n'aa näng do sa hä hanäng doo me moo bok doo, baad nahado bong do hajaa do P'op Hagä Do matym gó. Sa bahänh P'op Hagä Do rejää da tamejüü do mak'yys doo.

Sa hä hë ma matëg oow rah'yy kasab'ee. Rah'yy karën doo da ramoo bok. Dooh raky daheeh péh. Dooh rajeÿÿm pé ta tii. Ti hyb n'aa, dooh rajeÿÿm bä kabaj'aa do nes'aa padëek do raky n'aa rejä bä.

¹¹ Ääs kä, ma matëg oow sa bahänh hejooj né paawä, sa bahänh rahyb n'aa jewyg né paawä,

* **2:9** Jesus matëeh noo gó P'op Hagä Do ky n'aa etyy da sahõnh hë badäk hahÿÿ hä habok do paah, ääs sii hë. Nesaa do moo heb'ooh do taky n'aa etyy da banesaa hëñh rahob had'yyt hë hyb n'aa. Nahëj tii bä rahoop doo.

dooh raky n'aa rejãã doo me Tak'ëp Hyb N'aa Jawyk Do matym gó raky n'aa tapa bã kabaj'aa do nes'aa padëek doo.

¹² Har'ëëng hadoo ti ma matëg oow. Dooh har'ëëng rah'yy genä bã. Ti abong har'ëëng ji masoo hyb n'aa, ji naboooh hyb n'aa. Har'ëëng h'yy ganenäh do hadoo ma matëg oow ÿ wén näng, tak'ëp baad nadoo doo me rabaher'oot ranahapäh do hä. Ti hyb n'aa P'op Hagä Do gawats'iik da tii, har'ëëng ji naboooh do hadoo.

¹³ P'op Hagä Do rejãã da ta tii, ta wób rarahejãã do mabaj. Baad ub sa hä pé adëb bã sii hë rah'yy karën doo da rababok, baad nado né paawä, nu meby n'aa nyy né paawä ti rah'yy karën doo. Séd hä bë bawëh noo gó ragen'aak baad nadoo do sa h'yyb säg karën do ramoo bok bë sii rawëë bã. Baad nado ta wób raher'oot da bë ky n'aa tii d' bë mahang rababok do hyb n'aa. Tak'ëp bë nu mebyk ran'oo bã.

¹⁴ Ýÿj sa patug wad'ii do hä rah'yyb padëek had'yyt hë sa wë rababok hyb n'aa. Dooh reréd nesaa doo. Rah'yyb tatuk sa da rah'yyb hedoo hyb n'aa P'op Hagä Do kyyh baad nahapäh do hyb n'aa nayyw hë h'yy keh'ÿÿt doo. Sa h'yyb ramet'ëëg däk, sa h'yyb karën do rahyb n'aa h'üüm hyb n'aa. P'op Hagä Do ky n'aa was'ee padëek do tii!

¹⁵ Reréd hõm ta tyw n'aa baad hadoo doo. Ti hyb n'aa baad nadoo do jawén rababoo däk. Barãm, Beor t'aah, p'ooj ub hawät do mo n'aa me rabad'oo. Tak'ëp Barãm h'yyb däk paa ta sãm hä, Isaraéw buuj majiĩ ta hä raky kajäk doo, Isaraéw buuj taky n'aa wasee hyb n'aa paawä.

¹⁶ Ta sãm, ta hä raky kajäk do jawén tabahõm bã,

ta tyw n'aa baa bä, P'op Hagä Do nabuuj gedoo mä ta hä. Hahỹỹ d' paa tii: Jumeto, ta mas'ãã tajawät doo, aj'yy kyy me tamaher'oot paah, dooh né paawä jumeto rahaja bä raheer'ood bä. Jumeto meduuk P'op Hagä Do ky n'aa rod Barãm häd näng doo, tamoo nawät hyb n'aa tak'ëp baad nadoo doo.

¹⁷ Naëng k'ãäts gó naa ganyyh do mawooj däk do hadoo ta ti ma matëg oow. Naëng poo mahauk do tabës do hadoo. Ji wad'ii do tii. Ti hyb n'aa P'op Hagä Do ennyw däk sa hyb n'aa tak'ëp badagyp doo, tadewäts bëëh hyb n'aa gadagyp doo gó.

¹⁸ Daap hadoo do ti raheer'oot doo. Ti hadoo né hë, kyyh tak'ëp hetsooh do rakamasab'ee do ji ramaher'oot, ta tii me rah'yyb tatuk hyb n'aa nag'aap hë baad nadoo do habok do mahãnh kedëëb bong doo, nag'aap hë Jesus hä h'yy kae padëëk doo, baad P'op Hagä Do kyyh hä h'yy ganenäh nä doo. Tahajaa, näk mä sa kyyh, ji aã bä ji yỹm, ji patug nadoo do sii ji h'yyb säg karën doo da né hë. Ta tii da rah'yyb tatuk sa hä.

¹⁹ Hahỹỹ da raky kajäk sa kyyh maa newëë do sa hä: “Ãã ma metëëk do bë gado bä, baad ub da bë babok tii bä. Dooh mejõ wät pé bë hä”, näk sa kyyh. Tii d' né paawä ta wób hä raky kajäk, nesaa do sa h'yyb karën do karom ti ma matëg oow. Nesaa do mejõ had'yyt hë sa hä. Bë hyb n'aa newë hahỹỹh: Ji hä j'aa ketsë doo, ti né hë ji hä mejũũ doo. Nesaa do sa h'yyb karën do j'aa ketsëë däk sa hä. Ta ti sa hä mejũũ do ti ramoo boo had'yyt hë.

²⁰ Hahỹ hyb n'aa ỹ wén her'oot ta tii da sa ky n'aa hä: Pooj jé ër Wahë N'aa, ër h'yyb tym dëëb,

Jesus Kristo rabahapäh do hyb n'aa sa h'yyb gó, reréd hõm dó nesaa do badäk hahỹỹ hã habong do P'op Hagä Do hã h'yy kana'eeh do rabahed'oo doo, baad nado wäd ji bahadoo hanoo doo. P'aa hënh kä ta ti nesaa do j'aa ketsëe bä sa hã, p'aa hënh nesaa do ramoo bok do hyb n'aa, tak'ëp baad nado boo hỹỹ kä, p'ooj ub baad nadoo do rababok do bahãnh kä.

²¹ Taw'ããts hë paawä ranahapäh baad hadoo do ta tyw n'aa P'op Hagä Do wë ji tamahũũm doo. Doo h né paawä baad tado bä ji nahapëe bä ta tyw n'aa baad hadoo doo, sa hã paawä taw'ããts hë tii. Hahỹ hyb n'aa ỹ her'oot ta tii: Rahapëe däg né paawä baad hadoo do ta tyw n'aa, p'aa hënh raberéd hõm tak'ëp hanäm do P'op Hagä Do mejũũ doo. Ti hyb n'aa ta tyw n'aa nahapäh do bahãnh P'op Hagä Do rejãã da hỹỹ kä sa hã.

²² Sa hã kametä däk hahỹ pawóp hadoo do ji ky hetëg doo: “Awaar ad'ëeb jëng tehëen wät do paah.”† “Too yb hasus do mahãnh hehob wät doo, p'aa hënh da tsapab gó takahep' uut.”‡

3

Jesus matëeh noo gó ky n'aa hahỹỹh

¹ Najis haa, pawóp däg bë ỹ ma erih do hahỹỹh. Pooj jé bë ỹ ma erii wät doo, hahỹ na-ããj hë bë ỹ wén ma erih, bë hyb n'aa esee hyb n'aa pooj jé kaher'oot do paah, baad ub bë hyb n'aa newëe hyb n'aa.

† **2:22** Pooj jé reréd hõm nesaa do ramoo bok doo, ta jawén p'aa hënh ramoo bok, tahanäng pé tii. ‡ **2:22** Pooj jé rakarën Jesus awug hõm nesaa do sa h'yyb gó hanäng doo, ta jawén p'aa hënh ramoo bok nesaa doo, tahanäng pé tii.

² Ỹ karĕn bĕ hyb n'aa esee p'ooj ub P'op Hagä Do ky n'aa rod tsyt hĕ ta wĕ kasĕew bong do raher'oot do paah. Ỹ karĕn bĕ hyb n'aa esee na-ããj hĕ Jesus, ĕr Wahĕ N'aa, ĕr h'yyb tym dĕeb mejũũ do paah, ajyy Kristo mejũũ do bĕ wĕ heboo nã do bĕ hã ma met'ĕeg wät doo.

³ Taw'ããts hĕ baad bĕ bahapäh hahỹỹh: Jesus matĕeh do pooj jĕ ti abok da nesaa do sa h'yyb karĕn do jawĕn habok doo, Jesus matĕeh do ky n'aa rawajehĕet doo.

⁴ Hahỹỹ da d' sa kyyh: “Matĕeh mäh, taky däng paah. Te hub tado bã, ny tawät? Bĕ hegãã”, nãk, “ĕr wahĕ n'aa ĕr pooj jĕ habong do dejĕb kãn. Ti hadoo né hĕ, paa hado had'yyt hĕ. Dooch takaja bã tamatĕeh do pooj jĕ metĕe n'aa.* Paa hado had'yyt hĕ badãk hahỹ kapahuuj wät noo gó naa”, nãk da sa kyyh.

⁵ Dooch rakarĕn bã rah'yy kadawuung bã, P'op Hagä Do ky haj'aa p'ooj ub wĕ kapahuuj wät doo. Dooch rakarĕn bã rah'yy kadawuung bã naĕng bã naa k'ããts bawooj dãk do ganyyh doo, ta ky haj'aa. Naĕng tetyn hõm, bawooj dãk do banyy dãk hyb n'aa.

⁶ Dooch rakarĕn bã rahyb n'aa es'ee bã naĕng hag'yyp doo me P'op Hagä Do gawats'iik paa badãk hahỹ tapahuunh do paah, ta hã habong do sii hĕ. P'op Hagä Do ky haj'aa tii.

⁷ Wĕ, papỹỹj, kamarab, sagõõh, badãk hahỹỹ

* **3:4** Matew tĕg eh do 24 hã takerii dãk Jesus her'oot do takajaa do pooj jĕ metĕe n'aa. Dooch ta ti kaja däg sa nooh, ta ti rawĕn wajahĕet Jesus matĕeh do ky n'aa. Nayyw hĕ Jesus matĕeh, ta hã h'yy ka'eeh do wób red'oo. Nayyw hĕ takanaja bã kã, ta wób raky sĕm Jesus ky däng do paah.

da hē ji hapäh do P'op Hagä Do enyyw däk, tii d' P'op Hagä Do ky däng do hyb n'aa, tēeg hōō me ragawatsik hyb n'aa. P'op Hagä Do enäm nä ta tii. Tagawats'iik noo gó kä, sahōnh hē ta hā waneh'ēeh do tagawatsiig kän.

⁸ Bē mabaan manä hahÿ najis haa: P'op Hagä Do hā sét pénh né hē sét ta baab, miw ta baab.

⁹ Dooh P'op Hagä Do hyb n'aa p'eed bä taky däng do tamoo wät hyb n'aa, ta wób red'oo. Tii d' nado. P'op Hagä Do ky däng do tawén kanajaa nä, bē tahyb n'aa b'aah do hyb n'aa. Dooh né takarēn bä gawatsik péh. Takarēn sahōnh hē rah'yy kawereem, ta hā rah'yy ka'eeh hyb n'aa paawä.

¹⁰ Ti hadoo né hē, Tak'öp Hyb N'aa Jawyk Do kajaa né da. Rah'yy kanapeet bä, raganadaa bä takajaa da. Ji ganada do hadoo hets'ēek do kajaa. Ti hadoo Tak'öp Hyb N'aa Jawyk Do kajaa doo. Nayyw hē wē gawatsik da, hawyp do hadoo. Sahōnh hē adēē bēeh da tak'öp haju do haj'aa. Tii bä dewuh da. Badäk hahÿÿh, sahōnh hē ta hā hanäng do na-ãäj hē P'op Hagä Do ky n'aa etyy da tagawatsik hyb n'aa.†

¹¹ Tii da sahōnh hē P'op Hagä Do gawats'iik do hyb n'aa da, taw'ãäts hē tsyt hē nesaa do mahănh baad bē babok P'op Hagä Do wē. Taw'ãäts hē P'op Hagä Do karēn doo da bē babok,

¹² baad bē gadaa nuuj jé Kristo kajaa doo, P'op Hagä Do ky däng do paah. Taw'ãäts hē nayyw hē ta

† **3:10** Tahajaa na-ãäj hē ji erii bä: “Badäk hahÿÿh, sahōnh hē ta hā kapahuuj wät do na-ãäj hē aooj jëng da.”

ti kajaa bë an'oo bã.‡ Ta ti noo gó kajaa bã kä, wë aooj jëng da. Sahõnh hë adëë bëeh da tak'ëp haju do haj'aa.

¹³ Sahõnh hë ta ti awäd né paawä, ëër, Jesus hã h'yy ka'eeh doo, ër gada wë papuuj, badäk hahÿ papuuj P'op Hagä Do ky däng doo da. Jããm hë baad hadoo doo, P'op Hagä Do karëñ doo da habok do sa panang tii.

¹⁴ Ti hyb n'aa najis haa, ta ti bë gahëen do hyb n'aa, taw'ääts hë tak'ëp bë hyb n'aa tam'aah tak'ëp baad ub bë babok hyb n'aa, tak'ëp baad ub bë bahadoo hyb n'aa P'op Hagä Do hã. Tak'ëp bë hyb n'aa tamah, h'yyb nyyw gó bë baboo had'yyt hë hyb n'aa ta wë, P'op Hagä Do bahapäh hyb n'aa.

¹⁵ Bë hyb n'aa newë hahÿÿh: H'yyb jawyg gó Tak'ëp Hyb N'aa Jawyk Do gada nä, nyyw hë takanajaa, ji kedëeb wät hyb n'aa banesaa hënh ji taky n'aa etyy do mahãnh. Tii da na-ãäj hë Paw-Ro, ër hÿÿj hadoo do ër kamahãñ do bë tama erii wät. Bë tama erii wät P'op Hagä Do h'yy gan'yyh doo da ta hã.

¹⁶ Ti ky n'aa né hë tama erii wät sahõnh hë tama erih do hã. Tama erih do mahang ti anäng hãd hejoonh doo, tak'ëp ji hyb n'aa manatakä bã, dooh ji maa napëë bã tahanäng péh. H'yy gatamah doo, h'yy keh'ÿÿt doo, rawareem Paw-Ro erii wät doo. Ta see hadoo ta ky n'aa ran'oo bã. Tii da na-ãäj hë

‡ **3:12** Ji ky n'aa etsëë, nyyw hë takajaa hyb n'aa. Ji h'yy kawareem P'op Hagä Do wë, takarëñ doo da had'yyt ji bawät hyb n'aa. Ji h'yy kahas'ãap Kristo ky n'aa ji mahüüm do hã, sahõnh hë badäk hahÿÿ bã habong do raky n'aa napäh hyb n'aa na-ãäj hë, Peed hanäng pé tahyb n'aa péh, *taw'ääts hë nyyw hë ta ti kajaa bë an'oo bã, ta her'ood bã.*

rawareem P'op Hagä Do kyy kerih do wób. Sa daaj hē sa ky n'aa katakyyk baad nadoo do hã.

¹⁷ Ta ti bē hapēē dāk do hyb n'aa, najis haa, taw'ãäts hē bē hyb n'aa matakä, ta s'ee hēnh P'op Hagä Do ky n'aa jaw'yyk do ky nadah'eeh do bē rah'yyb mahũũm mahãnh te hub nadoo do rama metëek doo me. H'yy kanehỹỹd né paawä bē da hē, sa kyyh bē maa newë bä, bē da h'yy kah'ỹýt. Ta tyw n'aa baad hadoo do bē erét da sa kyyh bē maa newë bä.

¹⁸ Taw'ãäts hē P'op Hagä Do kyyh hã bē hyb n'aa matakä had'yyt hē, Jesus Kristo, ër Wahë N'aa, ër h'yyb tym dëeb bē wë taky enyym do takahũũm had'yyt hē hyb n'aa, baad Kristo bē bahapäh hyb n'aa na-ããj hē bē h'yyb gó. Taw'ãäts hē ti né hē ji j'aa etsëe had'yyt hē! Ỹỹ. Tii d' né hē. Taw'ãäts hē. Jããm hē kä.

Pop Hagä Do Panyyg Hanäm Do Hahÿÿh
The New Testament in the Nadëb language of Brazil
(BR:mbj:Nadëb)

O Novo Testamento na língua Nadëb do Brasil

copyright © 2011 Wycliffe Bible Translators, Inc.

Language: Nadëb (Nadëb)

Translation by: Wycliffe Bible Translators

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nadëb

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-29

PDF generated using Haiola and XeLaTeX on 18 Apr 2025 from source files
dated 31 Aug 2023
c5681c4e-55f8-5b64-badf-af07c5e28afc